

(...)

Requi(siti)on pour capoulade con(tr)e le scindic
et (con)sulz

L an mil six cens seitze et le vingt deuxiesme octobre
appres midy dans villemur etc regnant louys etc c est
presante M(aîtr)e **jean capoulade praticien et ad(voca)t aux ord(inai)res**
de fronton lequel dressant ses parolles a messieurs
les (con)sulz et scindic dud(it) villemur leur a dict et
represante que despuis certaines annees il a faict
faire diversses repara(ti)ons aulx environs de la metherie
qu()il possede dans la juridiction et consulat dud(it)

.....
184

villemur appelee de **longuenauze** pour escouler les
eaulx qui abondent en icelle par l()inonda(ti)on du fousse
mairal qui prant puis la metherie appelee de **la**
pasquette jusques au grand chemin public de montauban
joignant la metherie de carles esuelles repara(ti)ons
par luy faictes il se tre(o)uve en de grandz fraiz
et despans inutillement et ce()nonobstant recoit ung
tres grand et notable prejudice soict pour la ruyne
de partye de la culhette de lad(ite) metherie anuellement
que aux ediffices et bastimantz d icelle et de tant
que le subject et cause dud(it) domaige né procede
que de la negligence a faire ouvrir led(it) fousse
joignant le lac qui ce faict predz lad(ite) metherie
de carles ou le public peult avoir de l()intherestz
a cauze qu()il convient donner cours aux eaulz
dud(it) grand fousse mairal et faire traversser
led(it) grand chemin de montauban les consulz qui
ont procede aux vizittes des fosses et chemins
ayant taize le plus important que consiste sur
led(it) chemin lequel ferme l()anbouchure dud(it)
grand fousse arreste et faict inonder les eaulz
qui tumberont en icell(uy) puis lad(ite) metherie de
la pasquette et plus avant ayant este seullem(en)t
aud(it) chemin faict quelque pontil de bois au lieu
de brique quy est pour le p(rese)nt ruine et perdu
led(it) capoulade requiert ausd(its) sieurs (con)sulz y pourvoir
dans ung brief dellay et avant l()antree du
prochain (h)yver et a faulte de ce a()proteste
con(tr)e eulx et protheste de toutz domaiges et
intherestz que d'hors en avant il en pourra
recepvoir et de toutz despans pour raison de quoy

.....

se pourvoir par devant m(onsieu)r le mettre et viziteur
general officiant en cas lad(ite) repara(ti)on seroict importante
et qu()il conviendroict ediffier et construire aulcung
pontil de bricque comme il seroict estre
necessaire sur la concavitte et ouverture a()l()eau
dud(it) fousse au travers led(it) chemin de tramper (*)
avec ceulx que recepvront particulierement avec
luy utilite de lad(ite) repara(ti)on a se qu()il sera
raisonnable de partye desd(its) frais hors que le
faict d icelle regarde le public a cause dud(it)
grand chemin led(it) timbal a dict que c()est ung
affaire qui regarde le public C est pourquoy il
requiert coppie du p(rese)nt acte pour le communiquer
a ses compaignons consulz avec l()advis desquelz
il fera responce et ne consant ausd(ites) protesta(ti)ons
mais les retorque led(it) capoulade percistant aux
siennes a requis a moy dict not(air)e de ce dessus
luy rettenir acte ce qu()ay faict ez presances de
anthoine ratye praticien andrieu guilhemot basochain
dud(it) villemur soubz(sig)nes et moy not(air)e Guilhemot p(rese)nt
Ratier p(rese)nt Pendaries not(air)e

(*) : *tramper*, comme *tremper*, se trouver à certaines dépenses.